

LES
ARRESTS
DE LA COUR
DE PARLEMENT,

Portans deffenses d'informer pour
des iniures.

*Avec injonction aux Juges de faire les procez
en matiere d'iniures, sommairement,
selon l'Ordonnance.*

Et condamnation de rendre ce qu'ils ont receu
pour l'instruction & espices desdits procez.



A PARIS;
Chez IEREMIE BOVILLEROT, dans la Cour
du Palais, vis à vis la Conciergerie.


M D C. XXXIX.

Case
F

39
326

1637 ff

THE NEWBERRY
LIBRARY



EXTRAICT DES REGISTRES
de Parlement.

Ntre François Michon & sa femme, appellant d'une sentence donnée par le Bailly de la Temporalité, de l'Euésché de Paris, le 6. Septembre 614. infirmative d'un Jugement donné par le Bailly de S. Marcel ou son Lieutenant le 13. Aoust 613. d'une part : Et Toussainct Goffet & sa femme, inthimez d'autre. Veu par la Cour le procez par escrit, conclud & receu pour iuger entre lesdites parties le 4. Decembre 614. lesquels les sentences. la premiere dudit 13. Aoust 613 par laquelle ledit Iuge de S. Marcel auroit protégé ausdits Goffet & sa femme le delay de huitaine, pour toutes prefixions & delais, de faire & acheuer leur premiere enqueste & repetitiõ de tesmoins : & ledit delay passé. où ils ne feroient ouyr & repeter tous & chacuns les tesmoins ouys au procez verbal du Vicaire de S. Hillaire, en leuant la surseance cy deuant donnée, auroit permis ausdits Michon & sa femme de faire repeter le surplus desdits tesmoins à leurs frais & despens, dans huitaine pour toutes prefixions & delais, & les auroit appointez à ouyr droit. La seconde du 6. Septembre 614. par laquelle ledit Bailly de la Temporalité auroit dit qu'il auroit esté mal iugé par ledit Iuge de S. Marcel, bien appellé par ledit Goffet & sa femme : en emen-

dant, ordonne qu'il seroit passé outre au iuge-
 ment du procez, sur la repetition de cinq tes-
 moins, faite à la requeste desdits appellans : &
 neantmoins que le procez verbal des reuelatiōs
 seroit joint au procez, & mis en vn sacq à part,
 pour en iugeāt par lesdits Iuges de S. Marcel, y
 auoir tel esgard que de raison, les despēs reser-
 uez? Grieffs, responses, forclnōs de produire de
 nouuel. Arrest du 10. Ianuier 1615. entre François
 Michō & Guillemette Dappe sa femme, appel-
 lans d'vne ordonnance du Bailly de la Tempo-
 ralité du 3. Iuin dernier: ensemble, d'vne sentēce
 dōnce par ledit Bailly, le 7. Iuillet audit an, d'v-
 ne part: Et Toussainct Goffet & Ieāne le Sueur
 sa femme, intimez d'autre. Et encore entre les-
 dits Goffet & sa femme, demādeurs en euocatiō
 du principal, pendant pardeuant ledit Ba'lly de
 S. Marcel, d'vne part : Et lesdits Michon & sa
 femme deffendeurs, d'autre! Par lequel sur lesd.
 appellations verbales les parties auroient esté
 appointees au Conseil, bailleroient leurs causes
 d'appel & réponses, produiroient tout ce que
 bon leur sembleroit, & le principal differéd des
 parties euoqué, & les parties sur iceluy appoin-
 tees en droit, & ioint audit procez, Causes d'a-
 pel & responses, productiōs desdites parties sur
 le tout. Et tout considéré, DIT a esté, que ladite
 Cour faisant droit sur le tout, A mis & met les
 appellations, sentēces, & ce dont a esté appellé,
 au neant, sens amende: En emendant condāne
 lesd. Goffet & sa femme bailler acte à leurs des-
 pens au Greffe de S. Marcel, qu'ils ne scauēt que

5
bien & honneur en la personne desdits Michon
& sa femme ; & a fait deffenses respectiue-
ment ausd. parties de se méfaire ny médire, sur peine
de punition exemplaire: & a condamné lesdits
Goffet & sa femme en tous despés, liquidez à la
somme de douze liures parisis: Enjoint ausdits
Iuges de S. Marcel & de la Téporalité, de trait-
ter tel affaire sommairement, & suiuant l'ordó-
nance: & les a condamné rédre ausdites parties
tout ce qu'ils ont receu pour l'instruction & es-
pices dudit procez, depuis la sentéce dud. Bailly
de la Téporalité, du 15. Mars 614. dont sera deli-
uré executoire contre lesdits Iuges Fait en Par-
lement le 6. Iuillet 1615. Signé, VOYſIN.

*EXTRACT DES REGISTRES
de Parlement.*

ENtre Jean Mougin fruiétier, & Margueri-
e Mouginot sa femme, appellans des sen-
tences donnees par le Bailly de S. Eloy ou son
Lieutenât, le 30. May 622. demãdeurs. Et Louise
Fouquet, femme de René Cousturier, marchand
Orfevre, bourgeois de Paris, & Catherine Fou-
quet sa sœur intimez, d'autre. **V**eu par la Cour
le procez par escrit, cõclud & receu pour iuger
en icelle entre lesdites parties: joint l'appellatiõ
verbale desdits appellans de la permission d'in-
former, cõfection d'information, & decret de-
cerné sur icelles, & de tout ce qui s'en seroit en-
suiuy, sur laquelle lesdites parties auroient esté
appointees au Conseil à escrire & produire la-
dite sentence, -par laquelle ledit Bailly ou son

Lieutenant, auroit ordonné que ledit Mougin comparoistroit au Greffe dudit Bailliage, & là declareroit en la présence des intimez, qu'il les recognoistroit pour femme & fille de bien, dont elles auroient acte aux despens des appellas, & iceux condânez (pour toute aurre reparation) en quarante huict sols parisis d'amende, moitié enuers le Seigneur Prieur de S. Eloy, & l'autre moitié aux Minimes de la Place Royale, & és despés; avec deffenses de recidiuer, sur plus grâdes peines: Forclusions de produire de nouuel, & bailler causes d'appel par lesdits appellans: Productions desdites parties sur lesdites appellations verbales. Et tout considéré: DIT a esté que ladite Cour, en tât que touche l'appellatiõ verbale, dit qu'il a esté mal decreté & emprisonné, procedé & executé par le Bailly de S. Eloy: Luy fait inhibitions & deffenses de plus decreter prise de corps en telle matiere, ains luy enioint d'y proceder sommairement, à peine de tous espés, dõmages & interest desdites parties en so propre & priué nom, & de repetitiõ des sommes de deniers par luy receuës, & faisant droit sur le procez par escrit, a mis & met l'appellation au néant, & sans amende: A ordonné & ordonne que la sentéce de laquelle a esté appellé, sortira son plein & entier effet: Condâne les appellans és despens de la cause d'appel, lesquels ensemble ceux de la cause principale, elle elle a taxez & moderez à quarâte liures parisis, & sans autres despens, dõmages, & interests contre lesdites parties. Fait en Parlement le 23.

7
Januier, 1623. Signé, RADIGVES.
Signifié le 23. Januier 1623. Signé. PONTY.

EXTRACT DES REGISTRES
de Parlement.

Entre Maistre Pierre Georget Aduocat en
Parlemēt, Iuge du Marquisat de Lauerdin,
sieur de Bois-ombre, appellant d'un decret de
prise de corps contre luy decerné par le Bailly
& Chambrier Lay de l'Eglise Nostre-Dame de
Paris, de l'emprisonnement fait de sa personne;
Sentence diffinitive du 16. iour du mois de Fe-
urier 1623. & de tout ce qui s'en est ensuiuy, tāt
comme de Iuge incōperant, qu'autrement duē-
ment deffendeur, & demandeur en requeste du
6. Mars audit an. d'une part. Et maistre Marin
Fléury Aduocat en Parlement, sieur du Pōceau,
inthimé: demandeur en requeste du 20. dudit
mois de Fevrier, & deffendeur d'autre, sans que
les qualitez puissent nuire ny preiudicier. Talō
pour le Procureur general du Roy s'est leuē, &
dit, qu'il a esté informé à la requeste de l'une des
parties pardeuant le Bailly de l'Eglise Nostre-
Dame, & l'autre s'est pourueu au Lieutenant
Criminel du Chastelet, pour raison de quelques
iniures & voyes de fait, cōmises par l'une & l'autre
des parties: Et ayant fait recit des informa-
tions, a dit ny auoir de fonds en cette cause: s'il
plaist à la Cour euoquer le principal, & pour le
biē cōmun des parties, les mettre hors de Cour
& de procez: leur faire deffenses respectiuemēt
se méfaire ny médire. LA COVR a mis & met

l'appellation, & ce dont a esté appellé au neât, a euoque & euoque à elle le principal differend des parties, & faisant droit sur iceluy, les a mis & met hors de Cour & de procez : leur fait respectiuelement inhibitions & deffehles se méfaire ny médire, Sera l'escrouë de l'emprisonnement de l'appellant rayé & biffé: Ordône que ce qui a esté par luy payé luy sera rédu & restitué : à ce faire, ceux qui l'ont receu contrains, cōme depositaires de biens de Justice. Fait en Parlemēt le premier iour du mois d'Auril 1623.

Signé, RADIGVES.

Le 26. Auril 1623. i'ay signifié ledit Arrest, & d'iceluy baillé copie audit Farvy y desnommé, à ce qu'il n'en preñde cause d'ignorance, par moy Huissier sous-signé, GOYET.

Le 26. defaits mois & an, les escrouës de l'emprisonnement & reprise dudit Georget, des 9. & 16. Feurier dernier, ont esté rayez & biffez sur le registre des prisons de la Barre du Chapitre Nostre Dame, de Paris & les trente liures consignees, renduës suiuant l'Arrest de Nosseigneurs de la Coer, en datte du premier iour du présent mois d'Auril, par moy Huissier sous-signé, GOYET.